

賢哲世職

顏氏五經博士

顏氏為曹姓周武王封曹侯於邾六傳至邾武公字伯顏子友別封邾為小邾子其子因

父字為氏始以顏為姓友生爽為下大夫爽生連連生噉噉生鳴自連至鳴皆魯上大夫鳴生音為司寇音生羽羽生訓訓生簡簡生箱自羽至箱皆為下大夫箱生彪彪生景景生整整生恤恤生求自彪至求皆司寇求生友為邑宰友生無繇娶齊姜氏生回於周景王二十四年庚辰冬十一月丙申即魯昭公二十一年也周景王三十年辛亥年三十二年卒於秋八月丁巳即魯哀公五年葬魯城東防山之陽娶宋戴氏生子歆宗子世系家乘具載其間達子孫表著歷代者如二代歆字子林三代儉元泰定三年俱從祀復聖廟十一代異漢大夫十四代稊會稽都尉十六代凱安成太守二十三代敷字士榮州舉茂才官至御史大夫二十四代盛字叔臺魏關內侯徙居瑯邪臨沂代傳孝恭號孝悌里二十五代欽字公若封葛嶧縣子二十七代含字弘都東晉時以討蘓峻功封西平縣侯二十八代髦光祿勳襲侯三十代靖之字茂宗御史中丞三十一代騰之字弘道巴陵太守三十三代見遠南齊治書御史兼中丞三十五代之推字子介隋學士撰家